



Na osnovu člana 3. stav (1) i člana 140. stav (5) Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09 74/10 i 42/12"), a u skladu sa članovima 2., 20., 21., 22., 23., 24., 25., 26., i 27. Pravilnika o školovanju i usavršavanju u MO i OS BiH, broj: 13-02-3-1632/10 od 01.04.2010. godine, a u cilju odabira kadeta za školovanje u inozemstvu, Ministarstvo odbrane BiH, Hamdije Kreševljakovića broj 98, 71000 Sarajevo, **raspisuje:**

JAVNI KONKURS

za školovanje kadeta na preddiplomske studijske programe „Vojno vođenje i upravljanje“ i „Vojno inženjerstvo“ u Republici Hrvatskoj, za školsku 2014/2015 godinu

I – Ministarstvo odbrane Bosne i Hercegovine raspisuje javni konkurs za školovanje po jednog kadeta na preddiplomske studijske programe "Vojno vođenje i upravljanje" i Vojno inženjerstvo" u Republici Hrvatskoj, za školsku 2014/2015 godinu.

II – Školovanje na preddiplomskim studijskim programima "Vojno vođenje i upravljanje" i Vojno inženjerstvo" u Republici Hrvatskoj traje četiri godine.

Odabrani kandidati imat će svojstvo kadeta, čija će prava i obaveze biti regulisane u skladu sa članovima 73., 142. i 143. Zakona o službi u Oružanim snagama BiH. Po završetku školovanja, polaznici će biti proizvedeni u početni čin oficira OS BiH i primljeni u vojnu službu OS BiH u kategoriji oficira.

III – UVJETI KONKURSA

1. Općti uvjeti su propisani članom 9. Zakona o službi u Oružanim snagama BiH ("Službeni glasnik BiH, broj: 88/05, 53/07, 59/09, 74/10 i 42/12"):

- a) da je državljanin Bosne i Hercegovine,
- b) da je zdravstveno sposoban za službu u Oružanim snagama,
- c) da nije osuđivan na bezuvjetnu kaznu zatvora u trajanju dužem od šest mjeseci,
- d) da nije prethodno otpušten iz državne službe ili pravnog lica, zbog povrede službene dužnosti u posljednje tri godine,
- e) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
- f) da se protiv njega ne vodi krivični postupak za krivično djelo za koje se goni po službenoj dužnosti,
- g) da ima odgovarajuću stručnu spremu potrebnu za obavljanje određene dužnosti.

2. Posebni uvjeti:

- a) završena četverogodišnja srednja škola,
- b) da nije mlađi od 18 i stariji od 22 godine na dan 01.06.2014. godine,
- c) testiranje hrvatskog jezika za prvu godinu studija se neće vršiti, ali je potrebno aktivno služenje hrvatskim jezikom u cilju nesmetanog praćenja nastave,
- d) za odabrane kandidate je neophodno izvršiti sigurnosnu provjeru.

e) Zdravstveni uvjeti:

- da je psihički i fizički zdrav i sposoban za vojnu službu,

f) Fizička spremnost:

- kandidati moraju imati dobru fizičku spremnost,

g) Rad na računaru

- dobro poznavanje rada na računaru (Word, Excel, Power Point, Internet).

Napomena: Sigurnosnu provjeru iz tačke d) izvršit će nadležni sektor Ministarstva odbrane, a provjeru fizičkih sposobnosti prijavljenih kandidata iz tačke f), utvrdit će Zajednički štab OS BiH. Zdravstveni uslovi pod tačkom e) odabranih kandidata, bit će utvrđeni upućivanjem na ljekarski pregled.

IV POTREBNI DOKUMENTI

- original ili ovjerena fotokopija diplome završene četverogodišnje srednje škole;
- uvjerenje o državljanstvu na novom obrascu ili ne starije od 6 mjeseci;
- izvod iz matične knjige rođenih na novom obrascu ili ne starije od 6 mjeseci;
- uvjerenje o nevođenju krivičnog postupka ne starije od tri mjeseca;
- potvrdu ili uvjerenje institucije/pravnog lica da u posljednje tri godine nije otpušten zbog povrede službene dužnosti (za kandidate koji su bili ili su još uvijek zaposleni);
- prijava prebivališta CIPS-a ne starija od 6 mjeseci;
- dokaz o traženom nivou znanja rada na računaru.

V ODABIR KANDIDATA

Odabir kandidata izvršit će komisija koju će formirati Ministar odbrane Bosne i Hercegovine.

VI PRIJAVA NA JAVNI KONKURS

Sva tražena dokumenta treba dostaviti putem poštanske službe, preporučeno, na adresu:

Ministarstvo odbrane Bosne i Hercegovine

ul. Hamdije Kreševljakovića 98

71 000 Sarajevo

sa naznakom „Javni konkurs za školovanje kadeta“

Konkurs ostaje otvoren 8 dana od dana objavljivanja. Nepotpune, neblagovremene i neuredne prijave, prijave kandidata koji ne ispunjavaju uvjete ovoga oglasa, kao i kopije tražene dokumentacije koje nisu ovjerene, neće se uzeti u razmatranje.

Broj: 10-33-2-1894-4/14
Sarajevo, 20.05.2014. godine

MINISTAR

Zekerijah Osmić, dipl. oec.